



Kajitōk ko Rekut kin Mennin Aikuj ko ikijen Ekōnak Kein Kalbubu Iturin Māj ilo Jikin Taktō *(Emōj kōkkāal Julae 6, 2022)*

Ijin lal ej uwaak ko ñan kajitōk ko rekut kin Kakien in Kōmadmōd eo an Oregon (OAR) [333-019-1011](https://www.oregon.gov/oha/ohd/covid19/Pages/333-019-1011.aspx), Mennin Aikuj ko ikijen Ekōnak Kein Kalbubu Iturin Māj ñan Kejbarok jen COVID-19 ilo Jikin Taktō ko. Emaroñ jab niknik ien an kōkkāal melele kein ilo jikin Kajitōk ko Rekut.

*Kajitōk eo ekāal ak emōj kōkkāal

K: Mennin aikuj eo ñan ekōnak kein kalbubu iturin māj ilo jikin ejmour ko renaj ke jolok ilo Maaj 11?

Jab. Kein kalbubu māj renaj mennin aikuj ilo jikin ejmour ko iomwin OAR 333-019-1011.

K: Ta eo rej watōke ej juon jikin taktō?

Iomwin kakien eo an OHA ikijen mennin aikuj ko ñan ekōnak kein kalbubu iturin māj ilo jikin taktō kein (OAR 333-019-1011), melelein juon jikin taktō ej jabdewōt jikin ewōr jibañ in ejmour, ekoba rej lelok jibañ in ejmour ñan enbwin, ñi ak tamwi im ekoba, bōtab ejab jemlok wōt ñan jabdewōt jikin ejmour ak obij ej laijen iomwin ORS jebta 441 ak 443, einwōt aujbitol, jikin idin mwijmwij, jikin kōlōtak ko, jikin taktō ko rinañinmij rej deloñ im rej make wōt, jikin kejbarok nañinmij iomwin ien aitōk, jikin kemourur an rinañinmij, jikin hospice ko rinañinmij rej deloñ, imōn nōōjin ko im jikin jokwe ko ewōr rej jibañ, jikin jibañ in ejmour iloan em, hospice, jibañ iloan imōn jokwe, jikin wa ak jikin ko an jidik ien im rej lelok jibañ in ejmour (einwōt jikin taktō ko ilo wa, wa in ektak rinañinmij rejab an idin jorrāan (NEMT), wa ko rej niknik in ektak, im wūno ko rej bed iloan ial), jikin ko rinañinmij rejab deloñ einwōt jikin liklik ko, obij ko an taktō, jikin idin taktō, jikin koonjel ko, obij ko rej lelok kōmadmōd ko jet roktak jen wūno einwōt acupuncture, homeopathy, naturopathy, chiropractic im wūno in osteopathic, im jikin ko jet rej make wōt.

K: Woñ ro emōj watōke rej rijerbal ro ilo jikin taktō?

Iomwin kakien eo an OHA ikijen mennin aikuj ko ñan ekōnak kein kalbubu iturin māj ilo jikin taktō ko (OAR 333-019-1011), rijerbal ro ilo jikin ejmour rej kajojo armij ro rej kolla ak rejab, rej jermal, katak, jikuul, jiban, lale, ak lelok jiban ko aer ilo jikin taktō ko rej kaju lelok jiban nan rinaninmij ak armij eo ej jokwe ak ro remaron kaju ak jab kaju kebaak rinaninmij, ro rej jokwe, ak kein jermal ko retoonon, im ekoba botab ejab

jemlok wot nan jabdewot armij eo ewor an laijen jen juon board ej kakien kin ejmour im emoj komelele ilo ORS 676.160, rikejbarok ro ejellok aer laijen, im jabdewot rijerbal in objij, mōñā, jiban ko ikijen mejatoto, kwalkwol nuknuk, injinea, im lale moko, komadmod, muri, rijikuul, im ro rej lelok jiban ko aer.

K: Ñe taktō ro rej lelok jibañ in ejmour ilo juon jikin eo ejab jikin taktō iomwin kakien eo an OHA, einwōt iloan kilaaj in jikjul ak ilo juon gym, jikin eo ej ke kiō juon jikin taktō?

Jab. Kōmelele eo an jikin ejmour elab, bōtab ear kōmman ñan jibal ñan jikin ko eniknik aer lelok jibañ in ejmour, ak jikin ko an jidik ien einwōt ien wā ko ilo wa ak wa ambulance ko. Im bareinwōt, doulul ko remaron kōjenolok jikin ak ruum ko ilo jikin ko aer einwōt jikin taktō im jikin ko remaron jikin taktō iomwin kakien eo an OHA.

K: Iomwin kakien eo an OHA, jikin ejmour eo ekoba ke juon mōttan jikin ejmour ak opij an taktō, ak em eo juon taktō ak jikin ejmour ej kōmadmōd im ejellok rinañinmij ie ak rejab lelok kōmadmōd ko ñan jibañ nañinmij?

Ñe juon taktō ak jikin ejmour ej juon em eo ej make lok ian im rejab lelok kōmadmōd ko ñan jibañ rinañinmij im ejellok rinañinmij emelim aer deloñ, rejab watōke ej juon jikin taktō. Elañe ewōr mōttan juon jikin ejmour ak opij an taktō rejab lelok kōmadmōd ñan rinañinmij im ejab melim an etal rinañinmij im ejenolok mweo jen jikin ko rinañinmij ro emelim aer etal ak jikin eo rej lelok kōmadmōd ñan nañinmij, ilo an kiin mweo jen lal ñan ioon im kōjam eo enaj kilōk wōt ilo ien aer jab kōjerbale, jikin eo rejab watōke ej juon jikin taktō. Elañe kajojo armij emelim aer bed ilo jikin kein rejab jikin taktō ilo aer jab ekōnak kein kalbubu ak kein bōbrae būlajtik iturin māj, rej aikuj wōt ekōnak kein kalbubu im kein bōbrae būlajtik iturin māj ilo jabdewōt jikin eo ej jikin taktō. Kakien eo an OSHA eo an Oregon ñan jikin ko rej make wōt ñan uwōta ([437-001-0744](#)) emaron oktak jen kōmelele eo an OHA ikijen jikin taktō ko, emōj rōjañ an jikin jibal ko kalikar ta kakien eo an OSHA eo an Oregon rej kōjerbale.

K: Rijerbal ro an jikin ejmour im rej jibal ilo opij ko rej lelok kejbarok ilo imōn jokwe ko an armij im ewōr aer laijen, opij ko ej rej lelok jibañ in ejmour ilo mōn armij im ewōr aer laijen, im opij ko rej lelok jibañ in kainemmon ñan armij ro ebaak aer mij im ewōr aer laijen rej ke aikuj ekōnak kein kalbubu iturin māj ilo ien aer lelok jibañ ilo imōn armij eo make?

Aet. Kinke jibañ ilo imōn jokwe, jibañ in ejmour ilo imōn jokwe, im opij ko rej lelok jibañ in kainemmon ilo ien ebaak an armij mij rekoba ilo kōmelele eo an “jikin ejmour” kajojo armij rein rej jibal im lelok kejbarok ilo imōn jokwe im ewōr aer laijen, jibañ in ejmour ilo imōn armij, ak opij ko rej lelok jibañ in kainemmon ñe ebaak an armij mij rej aikuj ekōnak kein kalbubu iturin māj ilo ien aer lelok jibañ ñan rinañinmij ak armij ro rej jibañ ekkar ñan kakien ko an opij eo aer jekdoñ ia eo rej lelok jibañ.

K: Ñe rej letōk jibañ ñan na ilo mweo imo make, jen ibben juon armij eo ej jibal ilo jikin ko rej lelok kejbarok ilo imōn armij, jibañ in ejmour ilo mōn armij, ak opij eo ej lelok jibañ in kainemmon ilo ien ebaak an armij mij, ij ke aikuj ekōnak kein kalbubu iturin māj ilo ien rej itōk ñan mweo imo im letōk jibañ ko?

An kajojo rinañinmij/client bebe ñe rekōnaan ekōnak kein kalbubu iturin māj iloaan mweo mweir make, jekdoñ rej ebōk jibañ in ejmour ilo mweo mweir make. Rinañinmij/client ro rej ebōk jibañ ilo moko mweir rej aikuj ekōnak kein kalbubu iturin māj ilo ien aer bōke jibañ ko elañe er ak juon armij mweo mweir emojno an enbwinnin maron bōbrae jen nañinmij ak [ebed ilo uwōta ñan nañinmij kauwōtata](#), ak ñe juon armij uwaan mweo imōn ejañin dedelok wā in COVID-19 ko an. Rinañinmij/armij ro rej bōk jibañ rej bar aikuj ekōnak kein kalbubu iturin māj ilo ien taktō eo aer enaj kajitōk.

K: Jikin kejbarok in taktō ekoba ke jikin ko an lillab im lōllab ak jikin jokwe ko rūtto ro rej make jokwe?

Jab. Jikin lillab im lōllab ro rejab lelok jermal in jibañ ikijen taktō im jibañ ilo juon joñan jermal rejab watōke ej juon jikin taktō. Jikin jokwe ko lillab im lollab rej make jokwe rejab watōke ej juon jikin taktō. Oner im rikōmadmōd ro ilo jikin kein remaron woñmaanlok in kōjermal im kabin kein kalbubu iturin māj im kein bōbrae būlajtik iturin māj, im mennin aikuj ko ñan an armij kattolok doon ilo aer make bebe. Ilo ien kejbarok ilo imōn jokwe, kejbarok in taktō ilo imōn jokwe, ak jermal in jibañ in kainemmon ilo ien ebaak an armij mij im rej lelok ilo jikin jokwe ko ko armij ro rej make jokwe, rijermal ro rej aikuj wōt ekōnak kein kalbubu iturin māj ekkar ñan OAR 333-019-1011.

K: Jikin kejbarok in taktō ekoba ke imōn jokwe in foster ko an rūtto?

Jikin kejbarok ko iomwin ien aitōk im jikin jokwe ko jet rej lai jen ibben Oregon Department of Human Services (Ra eo ej bōk eddon jermal in jibañ ñan armij ro rej aikuj, ODHS) emelim aer jab loor kakien in an OHA ej aikuj an armij ekōnak kein kalbubu iturin māj ilo jikin taktō kein, bōtab ODHS emōj an kōmmane mennin aikuj ko aer make ikijen kein kalbubu iturin māj ñan eloñ jikin kein.

Ñan mennin aikuj ko ikijen ekōnak kein kalbubu iturin māj ilo jikin kein, lale <https://www.oregon.gov/dhs/COVID-19/Pages/LTC-Facilities.aspx>.

K: Jikin wia wūno iloaan juon imōn wia ekoba ke ilo juon jikin taktō?

“Jikin” wia wūno eo ej juon jikin taktō bōtab ejab aoleben imōn wia eo. Elañe ewōr jikin wia wūno iloaan imōn wia eo, jikin ko laajrak ikijen jikin wūno eo emōj watōke ej jikin taktō:

- Jabdewōt jikin eo rijermal ro an jikin wūno eo rej bōk kwōnaer in kōmmane makūtkūt ko an jikin wūno, bōtab ejab jemlok wōt ñan kepooj wūno ko, leto letak ibben rinañinmij, im lelok wā ko.
- Jabdewōt jikin eo rinañinmij ro rej kattar in leto letak melele ibben rijermal ro an jikin wūno ekoba bōtab ejab jemlok wōt ñan kattar ilo lain ak ilo juon jikin eo emōj kōjenolok ej jikin kattar an jikin wūno eo.

- Jabdewōt jikin eo rinañinmij eo ej leto letak ibben rijerbal ro an jikin wūno, ekoba bōtab ejab jemlok wōt ñan boklok ak ektak wūno ak bōk melele jen ibben rijerbal eo an jikin wūno.

Ñan melele ko relablok jen Board eo an Jikin Wūno an Oregon kin mennin aikuj ko ilo jikin wia wūno, [jibed ijin](#).

K: Juon jikin wia wūno eo “ejab bellok ñan an jabdewōt armij etal”, einwōt jikin wūno rej mael wōtar in wūno ak juon jikin wia wūno ilo juon opij im ejab kaju lelok jibañ ak leto letak ibben armij ro ilobelej ak riñaninmij ej ke juon jikin taktō?

Elañe jikin wia wūno eo ej juon em ejenolok ak ej opij/ruum iloan juon em elab im rejab kaju lelok jibañ ak leto letak melele ibben armij ro ilobelej ak rinañinmij, renaj watōke ejab jikin taktō.

Ñe juon jikin wia wūno ejab mōttan juon jikin taktō ak opij an taktō ej juon jikin taktō im rejab kaju jibañ ak leto letak melele ibben armij ro ilobelej ak rinañinmij iloan “jikin” wia wūno eo im ejenolok jen jikin ko rinañinmij ro emelim aer bed ie ak rej lelok kōmadmōdin taktō, im ewōr kiin mweo jen lal jen ioon mweo im juon kōjam eo enaj kilōk wōt ilo ien aer jab kōjerbale, rebañ watōke jikin in ej juon jikin taktō.

K* Tebol eo imaan an jikin māj eo iloan juon imōn wia ilo jikin taktō innem ro rej kōmman māj im riwia ro rej ke aikuj ekōnak kein kalbubu iturin māj ilo jikin kein?

Jab. Tebol ko imaan ilo jikin taktō māj iloan imōn wia ko rejab jikin taktō. Bōtab, taktō in māj im jikin taktō māj ko rej jikin taktō im kein kalbubu iturin māj rej mennin aikuj ilo jikin kein. Ñe tebol eo imaan ilo jikin taktō māj eo ebed iloan opij eo an taktō, kein kalbubu iturin māj ko rej mennin aikuj bwe rej bed iloan jikin taktō eo.

K* Jikin ko rej lelok jibañ in kemourour mūtōn (behavior rehabilitation services, BRS) rej ke aikuj loor kakien eo an Oregon Health Authority ikijen ekōnak kein kalbubu iturin māj ilo jikin taktō ko?

Jab. Jikin jokwe ko an BRS emōj kōmelim aer jab loor kakien eo an OHA ñan ekōnak kein kalbubu iturin māj ilo jikin taktō ko, OAR 333-019-1011, kinke jikin kein rej lai jen Ra eo ej an Oregon ej bōk eddon jibañ ko an armij (Oregon Department of Human Services, ODHS) im ewōr an ODHS make mennin aikuj ko ikijen kein kalbubu iturin māj. Jikin jokwe ko an BRS rej einwōt jikin ko an ODHS ewōr ae lai jen im ejejjet an melim ae rjab loor kakien in.

Jikin jokwe ko an BRS rej aikuj kōjejjet kūtien [bebe in bōbrae jen COVID-19 ko emōj kōlablok](#) ilo ien [Joñan COVID-19 ilo Jukjukinbed ebwe ak lab joñan](#), ak ilo ien [wāween joñan eo ilo jikin eo ej kwalok elablok uwōta](#).

Kememej: Jet jikin ko an ODHS ewōr aer lai jen rej aikuj loor kein kalbubu iturin māj eo an OHA ilo jikin taktō ko, kakien, einwōt mennin bōtab ejab jemlok wōt ñan jikin ko rej lal rinañinmij iomwin ien aitok im jikin jokwe ko rej lelok jibañ.

K: Opij ko an koonjelor ro ewōr aer laijen kin jermal kapeel ko aer ilo opij ko aer make rej ke watōke rej jikin taktō im aikuj loor melele in kajinet ikijen kein kalbubu iturin māj ñan opij ko an taktō?

Aet. Jikin ko rej lelok jibañ in ejmour kin tamwi emōj watōke rej jikin taktō.

K: Jikin kemouour ak jikin ko rej lelok jibañ kin ejmour in tamwi, einwōt jibañ ko ikijen koonjel ak kainemmon emōj ke watōke rej jikin taktō?

Aet, jikin ko rej lelok jibañ kin ejmour in tamwi emōj watōke rej jikin taktō.

K: Etkē mennin aikuj eo ñan ekōnak kein kalbubu iturin māj ilo jikin ejmour ko rej jermal ñan eloñ kain jikin ejmour ko, ekoba jikin ejmour in mūtōn armij ko?

Kein kalbubu iturin māj ko rej mōttan eo aurok ñan kadiklok rinañinmij, armij ro rej deloñ aujbitol, im armij ro rej mij jen COVID-19. Rijermal ro ilo jikin ejmour rebed ilo joñan uwōta eo elab ñan aer kebaak COVID-19 kin aer kebaak eloñ armij iloan juon raan im aer maron kaajeeded ilo an jab walok kakōlkōl ko ibbeir. Im bareinwōt, jikin taktō kein rej jikin ko ekūt an armij ro ewōr kadede aer nañinmij, ekoba nañinmij ko ikijen ejmour in mūtōn armij, im ej likūt er ilo uwōta eo elablok joñan ñan bōk nañinmij kauwōtata jen COVID-19. Kakien eo an OHA ej lelok kejbarok eo elab melelein ñan rinañinmij ro, rilolak ro, im rijermal ro ilo eloñ kain jikin ejmour ko ilo state eo.

K: Ñe ij jermal ilo juon imōn jokwe eo rej letōk jibañ iomwin ien aitōk, ij ke aikuj ekōnak kein kalbubu iturin māj ilo ien aō bed ilo jikin jermal?

Aet. Jikin jokwe ko rej lelok jibañ, jikin jokwe ko rej lelok kejbarok im imōn nōōjin ko rej laijen jen Department of Human Services (Ra eo ej bōk eddon jermal in jibañ ko ñan armij ro rej aikuj) an Oregon emōj watoke rej jikin ejmour im rej aikuj loor kakien eo kin ekōnak kein kalbubu iturin māj.

K: Juon opij in bitbit ñan jibañ metak ilo enbwin rej ke watoke ej jikin ejmour im aikuj loor mennin aikuj eo ikijen ekōnak kein kalbubu iturin māj?

Enaj ekkar ñan jekjek eo. Kōmelele eo an jikin ejmour elab, bōtab ear kōmman ñan jermal ñan jikin ko eniknik aer lelok jibañ in ejmour, ak jikin ko an jidik ien einwōt ien wā ko ilo wa ak wa ambulance ko. Jet jikin ko ribitbit ro rej jermal ie remaron jikin ejmour, bōtab jet rejab. Waanjoñok, jikin bitbit ko iloan jikin ejmour ko jet einwōt ilo opij ko an taktō ak opij ko an acupuncture rej jikin ejmour im taktō im rijermal ro ie rej aikuj loor kakien in ikijen ekōnak kein kalbubu iturin māj. Imōn spa ko rejab jikin ejmour im jikin bitbit ko iloan spa ko rejab aikuj loor kakien in ikijen ekōnak kein kalbubu iturin māj. Imōn bitbit ko rejab bed iloan jikin ejmour ko remaron aikuj an rijermal ro, rilolak ro, im armij ro rej etal in bōk jermal in jibañ kein ekōnak kein kalbubu iturin māj.

K: Kakien eo ñan ekōnak kein kalbubu iturin māj ilo jikin taktō ej ke jermal ñan jikin taktō ko an menninmour?

Jab. Kakien in ej jermal ilo jikin taktō ko. Juon jikin taktō an menninmour ejab jikin taktō innem kakien eo ejab jermal ñan taktō in menninmour ko rej lelok jibañ in kōmadmōd ilo juon jikin kōmadmōd menninmour.

K: Etke OHA ej jolok mennin aikuj eo ñan ekōnak kein kalbubu iturin māj ilo jikuul im jikin ko iloan em ilobelej im ejab ilo jikin taktō ko?

An aoleb ekōnak kein kalbubu iturin māj ej möttan bebe ko rej ibben doon ñan jolok nañinmij im aurok ilo jikin taktō ko. Rijerbal ro an jikin taktō elablok uwōta in aer kebaak COVID-19 kin wāween im jikin jermal ko aer. Kajojo armij ro emōj kamool ak lomnak ewōr aer nañinmijin COVID-19 ekkā aer kabōk jibañ in kōmadmōd ilo jikin kein. Im bareinwōt, jikin taktō kein rej jikin ko ekūt an armij ro ewōr kadede aer nañinmij bed ie im rebed ilo uwōta eo elablok ñan bōk nañinmij kauwōtata jen COVID-19. Kein kalbubu iturin māj, koba ibben bebe in jet ñan jolok nañinmij ej kejbarok aoleb rinañinmij, taktō im rijerbal im bar jibañ kejbarok aoleb ilo jukjukinbed eo.

K: OHA ej ke lelok juon kōjellā kin mennin aikuj ko ñan ekōnak kein kalbubu iturin māj ñan aer kwalok?

Aet. OHA ej lelok kōjellā ko [ilo link in](#).

K: Ñe elukkun dedelok aō bōk wā ko im wā in kakajur ko, ij ke aikuj wōt ekōnak kein kalbubu iturin māj ilo juon jikin taktō?

Aet.

K: Ñe ij jermal ilo juon jikin taktō ilo imōn jikuul, ij ke aikuj ekōnak kein kalbubu iturin māj iomwin kakien eo an OHA?

Aet. Jikin taktō ko rej bed ilo imōn jikuul (einwōt emōj kakien ilo [OAR 333-028-0200 ñan 333-028-0250](#)) rej jikin taktō innem kein kalbubu iturin māj renaj mennin aikuj ñan rijerbal ro an ejmour, rinañinmij im rilotōk ro ilo jikin kein. Im bareinwōt, kein kalbubu iturin māj emaron mennin aikuj ekkar ñan kakien eo an OR-OSHA ikijen uwōta eo ej make wōt ([OAR 437-001-0744](#)) ñan wāween ko redeloñ iomwin kakien eo. OHA ej lewaj kein am kwalok kōjella [ijin](#) iomwin “kōjella” im kwōmaron kwalok ilo jikin ejmour ko

K: Ne na juon nōōj in jikuul, ak rjerbal eo ej lelok jermal in jibañ ko einwōt an nōōj eo an jikuul kajinet iō, ij ke aikuj ekōnak kein kalbubu iturin māj ilo ien aō lelok jermal in jibañ ko ilo jikin taktō eo an jikuul?

Aet. Juon nōōj in jikuul, im rijerbal eo an jikuul, rijikuul ro, im rilotok ro rej aikuj ekōnak kein kalbubu iturin māj ilo jikin ko an jikuul im redeloñ ilo kōmelele eo an jikin taktō ekkar ñan OAR 333-019-1011(6)(d). Mennin emaron koba juon ruum in ilo jikin taktō, jikin eo emōj kōjenolok, juon jikin taktō ikijen kōmelij ak mūtōn ko, im jikin ko jet emōj kōjenolok ñan lelok jermal ko ikijen ejmour.

K: Ak ñe na juon nōōj in jikuul ak rijerbal eo ej lelok jermal in jibañ ilo an nōōj eo an jikuul kajinet iō, ij ke aikuj ekōnak kein kalbubu iturin māj ilo ien aō lelok jermal in jibañ iloan juon ruum in kilaaj?

Kakien eo an OHA ejab aikuj ekōnak kein kalbubu iturin māj iloan ruum in kilaaj ko kinke rejab jikin taktō. Jikin ko ilo jikuul ekoba bōtab ejab jemlok wōt ñan ruum in kilaaj ko, gym ko im jikin ikkure ko rejab jikin taktō. Kein kalbubu iturin māj ej mennin

aikuj wōt jen kakien eo an OHA ilo jet jikin ko ilo jikuul eo emōj kōjejjēt an jenolok jen jikuul eo einwōt jikin taktō. Bōtab, OHA ej rōjañ an ro rej lelok jibañ lomnak kin jermal in ejmour eo rej kōmmāne ilo aer lale elañe rej aikuj ekōnak kein kalbubu iturin māj, jekdoñ rejab bed ilo jikin taktō ko. Im bareinwōt, kien ko an jukjukinbed, bukon ko, rikōmadmōd ro an jikuul remaron kōwebben mennin aikuj ko ñan ekōnak kein kalbubu iturin māj im rejab deloñ ilo kakien ko an OHA im kajojo armij ro ilo jikin kein rej aikuj loor mennin aikuj ko an jukjukinbed eo. Kein kalbubu iturin māj emaron mennin aikuj ekkar ñan kakien eo an OR-OSHA ikijen uwōta eo ej make wōt ([OAR 437-001-0744](#)) ñan wāween ko redeloñ iomwin kakien eo.

Ritel in kōmadmōd ko an jikuul rej aikuj jermal ibben nōj ro an jikuul im rijermal in ejmour ro an jikuul rekkar ñan kalikar jikin ko ilo jikuul eo redeloñ ilo kōmelele eo an jikin ejmour ekkar ñan OAR 333-019-1011(6)(d).

OHA ej lewaj kein am kwalok kōjella [ijin](#) iomwin “kōjella” im kwōmaron kwalok ilo jikin ejmour ko

K: Kein kalbubu iturin māj ko rej ke mennin aikuj ñan taktō ro an ejmour in kōmelijj, einwōt ro rej jermal ibben jikuul ak ilo jukjukinbed im rej lelok jibañ ko ikijen ejmour in kōmelij im mūtōn ko ilo jikin taktō ko?

Aet. Taktō, rijermal, rilotok, im rinañinmij ro rej aikuj ekōnak kein kalbubu iturin māj ilo juon jikin taktō. Koonjel ikijen katak ejab opij ko rej koonjel ikijen ejmour im katak innem rejab jikin taktō.

K: Elañe ewōr aō laijen ibben Teachers Standards and Practices Commission (kamijen eo ej lale joñan im jermal ko an rikaki, (TSPC), einwōt juon koonjelor an jikuul ewōr an laijen in TSPC, rijermal in social work an jikuul, ak psychologist an jikuul, ej jikin ko emōj kōjenolok im ij lelok jermal in jibañ rej ke watōke ej jikin taktō iomwin kakien in an OHA?

Jab, ijellokun jermal in jibañ eo ej deloñ ilo kakien eo an OHA. Kakien eo an OHA ejab jermal ñan jibañ ko ikijen katak. Kakien eo an OHA ej aikuj bwe jikin kein “rej lelok jibañ in taktō (ekoba jibañ kin mūtōn)” im ñan “juon armij eo ej jermal ilo jikin taktō im ej kaju lelok jibañ ñan rinañinmij ak armij eo ej jokwe, ak kaju/jab kaju an kebaak rinañinmij, armij ro rej jokwe, ak kein jermal ko retoonon kin nañinmij.” OAR 333-19-1011(6).

K: Kein kalbubu iturin māj ko rej ke mennin aikuj ñan rijermal in ejmour ro an jikuul rej lelok jejjēt in jermal in jibañ ko (einwōt.jibañ in kainemmon ko ñan enbwin im jibañ ikijen kenono im kajin) ilo jikin taktō kein?

Aet. Taktō, rijermal, rilotok, im rinañinmij ro rej aikuj ekōnak kein kalbubu iturin māj ilo jikin taktō ko.

K: Elañe renaj kōjermal kein bitik ko (AGP) rej lelok iloan juon ruum in kilaaj, emōj ke watōke ruum in kilaaj eo ej jikin taktō?

Jab. Bōtab elukkun lab an OHA rōjañ bwe AGP ko ren kōmman ilo ruum ko rejenolok, ettolok jen rijikuul im rijermal, im ke armij ro rej ekōnak kein kalbubu iturin

māj ilo ien aer kōmmāne AGP ko. [Jibed ijin](#) ñan melele ko relablok kin am jermal ibben rijikuul ro ebin im lab aiku j ko aer im armij ro rej aiku j kebaak ro jet.

K: Kein kalbubu iturin māj ko rej ke mennin aiku j ñan taktō in ejmour in kōmelij ak ejmour in mūtōn ilo jikin taktō ko ilo imōn kalbu j ko an jodikdik?

Aet. Taktō, rijermal, rilotok, client, im rinañinmij ro rej aiku j ekōnak kein kalbubu iturin māj ilo jikin taktō ko.

K: Elañe na juon taktō ak rijermal eo ej lelok jermal in jibañ ilo jikin ejmour eo ilo imōn kalbu j eo an jodikdik ilo an taktō eo kajinet, ij ke aiku j ekōnak kein kalbubu iturin māj ilo ien aō lelok jermal in jibañ ko iloan mweo ak bar juon jikin ilo kambo j eo im oktak jen jikin ejmour eo?

Ekkā, jab. Kakien eo an OHA ejab aiku j ekōnak kein kalbubu iturin māj iloan jikin ko jet rejab jikin ejmour. Jikin ko ilo imōn kalbu j an jodikdik ekoba, bōtab ejab jemlok wōt ñan ruum in kilaaj ko, gym ko, opij ko, im jikin ko jet inaboj rejab jikin ejmour ijellokun ñe jikin eo enaj kalikar jikin kein rej jikin ejmour. Ekōnak kein kalbubu iturin māj eo ej mennin aiku j iomwin kakien ko an OHA ilo jet jikin ko ilo kambo j eo im rej jikin ejmour einwōt opij ko rijermal in ejmour ro rej lelok kōmadmōdin ejmour im jikin ko jet emōj kōjejjēt aer kōjenolok rej jikin ejmour. Bōtab, OHA ej rōjañ an ro rej lelok jibañ lomnak kin jermal in ejmour eo rej kōmmāne ilo aer lale elañe rej aiku j ekōnak kein kalbubu iturin māj, jekdoñ rejab bed ilo jikin taktō ko ilo ien aer lelok kōmadmōdin jibañ ñan ejmour. Im bareinwōt, kien ko an jukjukinbed, bukon ko, rikōmadmōd ro an jikuul remaron kōwebben mennin aiku j ko ñan ekōnak kein kalbubu iturin māj im rejab deloñ ilo kakien ko an OHA im kajojo armij ro ilo jikin kein rej aiku j loor mennin aiku j ko. Kein kalbubu iturin māj remaron mennin aiku j ekkar ñan kakien eo an OR-OSHA ikijen jikin jermal ko ejenolok uwōta ko aer ([OAR 437-001-0744](#)).

K: Kein kalbubu iturin māj ko rej ke mennin aiku j iloburokraam ko an imōn jokwe im rej lai jen jen ibben Oregon Department of Human Services (opij eo ej bōk eddon jermal in jibañ ko ñan armij, ODHS)?

Jet jikin ko rej lai jen jen ibben ODHS emelim aer jab loor kakien in an OHA ej aiku j an armij ekōnak kein kalbubu iturin māj ilo jikin taktō kein, imōn foster ko an rūtto, imōn foster an ro ewōr aer utamwe, imōn jokwe ko rej lelok katak in kaminene im jikin ko fej lelok katak in kaminene, bōtab ODHS emōj an kōmmāne mennin aiku j ko aer make ikijen kein kalbubu iturin māj ñan eloñ jikin kein. Ñe juon jikin ODHS eo ewōr an lai jen ejab mōj kōmelim iomwin OAR 333-019-1011(4) im enaj tōbare kōmelele ko an jikin taktō, innem enaj jermal mennin aiku j ko ikijen kein kalbubu iturin māj.

Maroñ loe beba in: Ñan armij ro im eloñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wāween ko jet einwōt ukok ko, jeje kileb, ak jeje ko an ribilo. Kebaak Jikin Bōk Melele kin COVID-19 ilo 1-971-673-2411, 711 TTY ak COVID19.LanguageAccess@dhs.ohio.gov.